

Brža registracija, više radnih mjesta

Ambasador Velike Britanije u BiH Metju Rajkroft (Matthew Rycroft) u četvrtak je u Kantonalnom sudu u Sarajevu predstavio novi sistem za registraciju poslovnih subjekata, koji će omogućiti registraciju preduzeća u BiH za samo pet dana.

“BiH je trenutno na 95. mjestu među 175 zemalja po lakoći poslovanja. Još uvijek treba u prosjeku 44 dana za registraciju preduzeća u Federaciji BiH i 32 dana u RS, prema podacima s početka godine. Međutim, od sljedeće sedmice registracija u 16 specificiranih sudova u BiH će biti završena za pet radnih dana”, kazao je Rajkroft.

“Rješenje o registraciji biće jednobrazno za cijelu BiH. Podaci o registro-

vanim preduzećima biće dostupni u elektronskoj formi svim relevantnim institucijama, kao što su statistika, penzion i fondovi zdravstvenog osiguranja. Ovaj sistem pomaže stvaranju radnih mjesta umanjujući birokratske procedure”, rekao je on.

Prema riječima Švarc-Šilinga, novi sistem će trasirati put za pragmatičniji pristup poboljšanju poslovne klime.

Potpredsjednik Vlade Republike Srpske Anton Kasipović istakao da će fiktivne firme biti fikcija, a do sada su bile stvarnost.

Četverogodišnji projekat reforme registracije poslovnih subjekata je sa 2,7 miliona KM finansirao Ured za međunarodni razvoj Vlade Velike Britanije.